



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1595. usque ad annum 1600

Fleury, Claude

August. Vind. [u.a.], 1773

VD18 90118677

§. 94. Ejusdem Cædes.

[urn:nbn:de:hbz:466:1-67263](https://nbn-resolving.org/urn:nbn:de:hbz:466:1-67263)

Sæcul. XVI. filiam, quam ejus Matrem inhumana
 A.C. 1599. prorsus sævitia excruciabat.

§. XCIV.

Ejusdem Cædes.

Ut ergo Beatrix filia, necnon Lucretia Petronia ipsius Mater, quam sibi secundis nuptiis Franciscus desponsaverat, ac non raro ad nefandum suum cum foeminis, puerisque usum in ipsi conjugali thoro inspiciendum compulerat, a tyrannico, & diabolico Patris consortio sese liberarent, hinc anno prioribus ambo in ipsius vitam conjurabant, suamque improvidum consilium cuidam nobili juveni nomine Guerra manifestabant, qui operam suam spondens rem Jacobo natu majori Fratri aperiendam censebat: hic vero horrendam Patris lasciviam, crudelitatem, sordidamqueavaritiam pertæsus facile in eandem sententiam abibat, unde mutuo horum consensu duo juvenes Martinus, & Olympius aliundé Francisco insensu sollicitabantur, ut eo tempore, quo Pater Roccam - Petrellam, quod oppidum est Principi Columnæ obnoxium, animi relaxandi gratia æstivo tempore perretracturus esset, decem, vel octo e Neapolis Regno proscripti, arctaque amicitia Martino, & Olympio juncti in proxima sylva absconditi laterent, eo fine, ut quam-

primum a Lucretia de Mariti sui ad-
 ventu certiores facti fuerint, mox il-
 lum trucidarent: accidit tamen, ut ex-
 ploratoribus non satis tempestive ad
 proscriptos delatis Franciscus Parens e-
 lufis eorum insidiis Petrellam incolu-
 mis perveniret, nec unquam, cum jam
 septuagenarius esset, e villa ad sylvam
 procederet: hinc conjurati propositum
 suum exequendi spe frustrati alia cude-
 bant consilia, hancque in rem Beatrix
 Martinum, & Olympium clam accerse-
 bat, atque cum illis tam per literas,
 quam in Palatio ad fenestras collocuta,
 conspirante Lucretia, Jacobo, & Guerra
 decernebat, ut ambo Franciscum somno
 sopitum in lecto die octava Septembris
 Beatæ Virgini natæ sacra trucidarent,
 constituto eis bis mille aureorum pre-
 tio, quorum mediam partem Guerra
 Romæ, alteram vero Beatrix, ac Lu-
 cretia Petrellæ numerarent: ambo er-
 go Sicarii præstituta die ad ædes secre-
 to adducuntur, Lucretia tamen tam so-
 lemnis diei Religione absterrita Beatri-
 cem eo induxerat, ut parricidii execu-
 tionem ad nonam ejusdem Mensis diem
 differret, ubi dein Mater, & filia Pa-
 tri tantam Opii copiam cibus immiscue-
 re, ut profundissimo somno sepultus
 videretur; adspirante igitur primi con-
 filii successu hi duo Sicarii ad Senis
 gravi-

Sæcul. XVI.
 A.C. 1599.

Sæcul. XVI.
A.C. 1599.

graviter stertentis cubile ab ipsa eius
conjuge, ac filia introducti ad exequen-
dum consilium ab utraque excitantur,
quæ tamen paulopost ad interiora cu-
bricula recedentes rei exitum præstola-
bantur, haud parum tamen commotæ,
cum brevi ambos re infecta redire cer-
nerent, caussatos, indecorum sibi vide-
ri, quod decrepitæ ætatis virum somno
sepultum interimerent: ast Beatrix eo-
rum ignaviam increpans ajebat: "E-
„gone vos, qui alias ignem, & fulgetra
„crepatis, nunc Senem dormientem ag-
„gredi timetis, sane nequidem somno
„excitatum comprehendere auderetis.
„Eja ergo! vestram supplebo timidita-
„tem, ac manu mea proprium Patrem
„trucidabo, sciatis autem, vos haud diu
„vita superstites fore." Hoc Beatricis
sermone perterrefacti Sicarii rursus cu-
bile ingrediuntur, ac mallei ictibus fer-
reum clavum in medio frontis infigunt,
caputque alio ferreo fuso perterebrant,
patratoque scelere ambo pecunias, spe-
ciatim vero Martinus a Beatrice pal-
lium auro ornatum recepit, quibus abi-
re jussis Lucretia, & Beatrix e fronte, &
occipite clavos extraxerunt, & cadaver
e quodam altissimo solario prope anno-
sam Sambucum eo fine præceps egerunt,
ut Franciscus noctu curandæ necessitatis
gratia secessisse, atque exinde cecidisse,
nec

nec non ex acutis præfatæ arboris ramis hæc plagas accepisse crederetur. Sæcul. XVI.
A. C. 1599.
 Successit e voto commentum, atque altera die summo mane Lucretia conjux, ac Beatrix infaustam Patris sui mortem crebris, fictis tamen, ejulatibus deplorare audiebantur: paulopost autem filia improvide lintea sanguine copiosius conspersa cuidam lotrici lavanda tradebat, tam profusi cruoris causam, nescio quam, allegans: demum per solutis exequiarum solemnibus Mater una cum filia, ceterisque domesticis Petrella Romanam ad suum Palatium secesserat.

§. XCV.

Detecti hujus Cædis Authores.

Cum Petrella oppidum intra Neapolitani regni fines situm esset, ac in oppidina Francisci Cencii mors gravem plurimis suspicionem ingereret, regius Prætor eo contendere, ipsumque cadaver mox exhumatum lustrare jubebatur, qui pluribus in carcerem datis, ac severius examinatis nullum aliud violentæ mortis indicium hauriebat præter testimonium Lotricis, quæ sibi a Beatrice altera post cædem die quædam linteamina cruore tincta fuisse tradita fatebatur, qua de re Neapolitana Curia mox Romanam certio rem reddebat, longum tamen temporis spatium intercesserat, donec

*Acta MS.
Processus
Cencii.*